



# Շուշանիկ Կուրդիսյան

## Ապրել եմ ուզում

Ապրել եմ ուզում, բայց ո՛չ մեղկ կյանքով,  
Անհայտության մեջ, անշահ, բթամիտ,  
Կամ արդ ու զարդին գերի ողջ ստքով՝  
Որպես թույլ էակ, քնքուշ ու վտիտ. —  
Այլ ձեզ հավասար, ձեզ պես բախտավոր  
Ով դուք այր մարդիկ, ուժեղ եւ համառ,  
Փորձանքի դիմաց՝ առողջ, մտավոր  
Կատարելությամբ եւ մարմնով կայտառ:

Միրել եմ ուզում՝ անկե՛ղծ, անդիմակ —  
Ձեզ պես ինքնիշխան. որ երբ սիրեցի՝  
Երգեմ աշխարհին իմ սիրո նվագ  
Եվ սիրտս բանամ, սիրտս կանացի՝  
Ամբոխի առաջ . . . նրա խիստ դատին  
Արհամարհանքի դիմեմ վահանով  
Եվ սո՛ւր նետերը ուղղված իմ սրտին  
Փշրե՛ն, ջախջախե՛ն աննվաճ թափով:

Գործել եմ ուզում ձեզ հետ հավասար,  
Որպես ամբոխի հարազատ անդամ.  
Եվ անկախության իդեալի համար  
Թող գիշեր ցերեկ, միշտ, ամեն անգամ  
Կրեմ հալածանք, երկրե-երկիր

Թափառեն, տոկամ . . . եւ թող տանջանքի  
Բերը ինձ ճնշե թեւ տարագիր  
Միայն՝ ձեռք բերեն իմաստը կյանքի:

Ուտել եմ ուզում՝ հանգիստ ձեզ նման՝  
Այն արդար հացից — որին ճարելու  
Սուրբ աշխատանքին տվի իմ լուման.  
Գոյության կովում խոնարհ եւ հլու  
Անոթ չզգալով օրհնած վաստակից  
Թող թափեն աղի քրտինք-արտասուք  
Ապրուստիս՝ բանվոր իմ ժիր ձեռքերից  
Հոսե ալ արյուն, հոգնե ին թիկունք:

Կովել եմ ուզում, նախ՝ ձե՛զ ախոյան  
Ձեր դիմաց կանգնած հի՛ն-հի՛ն վրեժով.  
Որ անմտորեն, առանց գթության  
Ինձ ճորտ դարձրիք սիրով եւ ուժով . . .  
Ձեզ հետ իմ սեռի հաշիվը մաքրած —  
Կովել եմ ուզում եւ բիրտ կյանքի դեմ —  
Ձեզ պես համարձակ, ձեր ձեռքը բռնած  
Լինել-չլինելուն կանգնած դեմ առ դեմ . . .

Հունիս 9, 1907